

გაზეთის ფასი:

ხელის-მოწერა მიიღება:

თფილისში „დროების“ რედაქციის კანტორაში, მელიქი-
შვილის და კამპ. სტამბაში, ხანის ქუჩაზედ, ბეზუხოვის სახ-
ლში.
თფილისის გარეშე მცხოვრებთათვის აღრის: ВЪ ТИФЛИСЬ. ВЪ
КОНТОРУ РЕДАКЦІИ ГРУЗИНСКОЙ ГАЗЕТЫ „ВРЕМЯ“.
რედაქციის კანტორაში მიიღება ყუველ-გვარი განცხადება
სხვა და სხვა ენებზედ. ფასი განცხადების დაბეჭდვისათვის ჩვეული-
ბრისის ასოებით გაზეთის სტრიქონზედ 8 კაპ.

ქრონოსი

საკოლიტიკო და სალიტერატურო გაზეთი.

გაზეთის ფასი:
თფილისში
და გარეშე ადგილებში:
ქრონოსის ფასი — 7 მან.
სახეობის ფასი — 4 —
სამის თვისა — 2 — 50 კ.
სალოკო ერთის ნუმრისა გაუზაგანელათ — 3 შაური.
„დროება“ გამოდის კვირაში ერთხელ, პარასკევობით.

შინაარსი: რაქიდგან ძორრგესოდენცია...
პოლიტიკა: სლოვენების ქვეყნები. — მსმალეთი. —
ამერიკა. — ტელეგრაფები. — ზოგი ერთი შესანი-
შნავეი მოთხრობა საქართველოს მეფის ბიო-
გრაფი მეთორმეტეზედ. — მსმალეთის ქვეშევრ-
დომი საქრისტიანო ქვეყნების ამბავი. — სხვა
და სხვა ამბავი. — სახანო განცხადება.

ქორრგესოდენცია რაქიდამ. დაბა ონი.

ჩვენის პატრესაცემის გაზეთის ამ წლის
რომელდაც ნომერში ერთი კორრესპონდენტი
ზურდიდგან მწუხარებთ იწერებოდა, რომ
„დროების“ მკითხველებს არც კი გაუგო-
ნიათ, ზურია საქართველოში იმყოფება თუ
არაო. ამასვე მას ჩვენ ვერ დავეთანხმებით,
რადგანაც ზურია იმ გვარი გეოგრაფიული
მდებარეობა აქვს ზღვის პირად და იქიდგან
ისეთი შეუწყვეტელი მისვლა-მოსვლაა გამარ-
თული სხვა საქართველოს მახრებთან, რომ
არ შეიძლება, ქართველებმა, ე. ი. „დროე-
ბის“ მკითხველებმა არ იცოდნენ მის არსე-
ობა. გვანებ, მე უფრო საფუძველი მექნე-
ბა ესთქვა, რომ რაქის ვითარების აღწერა —
სწორედ ახალ-გასავარნი ამბავი იქნება
„დროების“ მკითხველთათვის. იქნება ზოგს
მათგან მხოლოდ სახელი გავგონოსთ რაქისა,
ისიც იმ მუშების წყალობით, რომელნიც თფი-
ლისში კურტინანი ცხენების და საურმო ხარ-
კამბების დანიშნულებას ასრულებენ და ბო-
მელთ მდგომარეობაც ასე საწყლათ გამოხა-
ტულია ჩვენის ნიჭიერის პოეტის ლექსში
„მუშა“. საზოგადოდ კი რაქა სურამის მთის
იქით მცხოვრებლებისთვის სწორედ terra in-
cognita არის (უცნობი, უცხო ქვეყანა). ეს ჩე-
ნი ქვეყნის მახრების უცოდინარობა ჩემის ჰა-
ზრით მიეწერება პირველად საზოგადოდ ჩე-
ნის ტომის ხალხის დაუდევნელობას, — ამა,
მიბრძანეთ, რამდენი გეოგრაფიული და ეთ-
ნოგრაფიული აღწერა გვაქვს, მახუშტისა, ლიუ-
ბუსის და ახლად დაბეჭდილ კალმასობის გარდა.
არც ერთი. მსეც უნდა ვთქვით, რომ გზების
უქონელობისა და მგზავრობაში დიდს გაჭირ-
ებასაც მიეწერება ამ შემთხვევაში ჩენი ლი-
ტერატურის სიღარიბე. საჭირო ცნობებს სა-
ქართველოზე უფრო რუსული წიგნებიდგან
ვიტყობთ ხოლმე, მაგრამ ამა გავხსნათ ერთი
გავრცელებული და დიხ უმჯობესი გეოგ-
რაფიის სახელმძღვანელო, დანიელის წიგნი.
მე—488 გვერდზე ჩვენ აი, რას ამოვიკითხათ:
г. гор. Грузин—Тифлисъ... по грузински
Мтквари (საქართველოს დედა-ქალაქი თფი-
ლისია, რომელსაც ქართულად მტკვარს ეძა-
ხიან (!)); Кутаисъ—нѣкоторые считаютъ
его г. гор. Колхиды Аеае (?); Въ Мин-
грелии укрѣпленная гавань, Пюнекъ, (sic)
возлѣ устья Ріона... (სამეგრელოში გამაგ-
რებული არის რიონსკი, იქ, სადაც რი-
ონი ზღვას ერთვისო (?)). ეს ხომ სულ შემ-
დგენელის ფანტაზიას მიეწერება... როგორ არ
გახსენდება მკითხველს შარშანდლის კალენ-
დრის სტატიაში ზორის აღწერა: г. Гори,—
название это происходитъ отъ сл. гори, что
значисъ, по груз. свинья, и дѣйствительно
мѣсто положеніе этого города итѣтъ боль-
шое сходство со свиною свиньи... და სხ.—
ამიტომაც მე ვფიქრობ, რომ არ იქნება უ-

ინტერესო „დროების“ მკითხველებსათვის
რომ რაოდენადმე გავაცნო მათ რაქის მდებ-
არეობა, აქაური ხალხის ხასიათი და ხალხის
ახლანდელი მდგომარეობა.

ამ მხარეს დარქმევია რაქის სახელი, მო-
გვიტხრობს ჩენი გეოგრაფი, მეფე ეახუშტი,
შემდგომის შემთხვევისა გამო: ერთი ქარ-
ველი მონადირე კაცი, რომელიც პირველად
აქ დასახლებულა, ამოსულიყო იმერეთიდანა
ნაქერალაზე, (*) იმერეთის მოსახლერო მთა-
ზე, და გადმოვიხედა რა აქეთ მხარეზე, გან-
ციფერებულებო ამ ღრმა და ვიწრო რიონის
ხეობაზე, მიემზგავსებო ეს მხარე ჰას და და-
ეძანა „ეს რა ქა ყოფილაო!“ იგი თან ხალხ
რომ ჰკითხო, ისიც გემოწმებო ამ ამბავზე. მას
შემდეგ ამ მხარეს რაქა დარქმევია, და არც
უმეზუოდ დარქმევია... რაქას აღმოსავლე-
თით და დასავლეთით საზღვრავს ზორის და
მსეთის (დილორის) მახრა, მურების მთიდგან
შასის ანუ ბასიანის მთამდის; დასავლეთით
ლენხუმის მახრა, შარის მთიდგან ასკის წყ-
ლამდი და შემდგომ ქუთაისის მახრა ნაქე-
რალით და მისი ტოტებით, ხოლო სამხრე-
თიდ რაქის საზღვარს შეადგენს შორანის მა-
ხრა. შიქმერზე, საწალკეზე დაყოლებული
და მერმე გორის მახრა, მრწო მთიდგან დაწ-
ყებული მურების მთამდი. ამ საზღვრებს შუა
იმყოფება ესლანდელი რაქის მახრა, რომელ-
საც იმერეთის მეფეების დროს თავისი ერის-
თავი ჰყავდა, ხოლო უკანასკნელ დროს მეფე
სოლომონ 1-ლმა შერისხა რაქის მრისთავი,
და ერისთავობა რაქაში მოიხსო. შესანიშნა-
ვი ძველად აღშენებულნი ტაძრები და მო-
ნასტრები იშვიათად იპოვებიან აქ, ხოლო
ციხეების და კოშკების ნანგრევები ახლაც აქა-
იქ სჩანან.

მკითხველი საზღვრების აღწერილამე მისე-
დებოდა, რომ რაქის გეოგრაფიული მდებ-
არეობა ძალიან დაცული და თითქმის დახუ-
რულია მთებითა. ის შეიცავს თითქმის მარ-
ტო რიონის ხეობას, რომელიც სივიწროვი
და მამძილითაც ბევრად მიემზგავსება ზეკა-
რის ხეობას იმ განსხვავებით, რომ აქ თე-
ლი ვერ ხედავს იმ მშვენიერ და სხვა დ-
სხვა ნაირ გარდასახელებებს, რომლებითაც
სავსეა გზა ბაღდადიდამ ახალციხემდი. აქა-
რი გზებიც, ნამეტურ ის გზა, რომელიც ლ-
ჩხუმზე მოდის, ბევრჯელ მოგვეგონებდა ჩემ
ზემოხსენებული ხეობის გზებს. აქამდის მ-
თასილად რაქაში მხოლოდ ერთი გარდასა-
ლი იყო ნაქერალაზე, რომელზედაც ზამთა-
ში დიდი თოვლისა და ბუქებისა გამო მო-
პებოდა ხოლმე სიარული. ახლა გაუკეთებთ
ლენხუმზე ვიწრო გზა, რომელსაც გაჭრილ,
რუსულს შარას ეტყვიან. ეს გზა მიჰყვება სლ-
რიონის მარჯვენა ნაპირს და მიდის ძველ-

(*) ნაქერალას ეძახიან ამ მთას, რადგანაც აქ თ-
დროს ქერი ყოფილა დათესილი: ერთს რაქის ერ-
თავს ყოველი საშვალეობა ეხმარა, რომ მისი მამისა-
ხელი, რომელიც ძალიან სასტიკად და შეუწყნარებლ
ეყრობოდა ხალხს, კარგად ეხსენებიათ. მას ბოძს
მოგონა შემდგომი ზომა: ხალხის შესავიწროვებლად
განებრახა მთის დახევა და ქერის დათესვა; ხალხმა-
შინათვე დაეწყო ლოცვა მისი მამის სახელიდა
ამ მთას კი სახელად ნაქერალა დარქმევია.

საკენ. ჯერ ამ გზის გაკეთება შესრულებუ-
ლი არ არის და როდესაც შესრულდება მართე-
ბლობას აქვს განზრახვა სტანციები დააწესოს
ქუთაისიდან ძაქასიამდი და რუსეთიდან ფოჩ-
ტა პირდაპირ იმერეთში გარდმოატანინოს.
რასაკვირველია, ამ გზას დიდი კეთება და ჯა-
ფა უნდა სისრულეში მოყვანისათვის, ახლან-
დელ მდგომარეობაში ურემს ვერ შეუძლია
იაროს; ბევრგან ცხენსაც ძალიან უჭირს, ამას
გარდა თითქმის ყოველს ადგილს მეწყერის
გამო გზაზედ ჩამოდის და აწეება მიწა და თი-
ხა. ეს ადგილობრივი აქაური მიწის თვისება
ძლიერ შესანიშნავია და არიან იმგვარი სო-
ფლები, რომლებშიაც ოთხს, ხუთ ვერტზე მი-
დის მეწყერი და თან-და-თან ხდებიან ყანები,
ვენახები და ეზოებიც. ჩვენ მოვიყვანთ აქ
ორიოდე ფაქტს, რომელნიც ამ მეწყერების
მავნებელ თვისებას ცხადთ ხატვენ. ამ თხუ-
თმეტ წლის წინეთ სოფ. შუქრაში, შულა-
მეს გასაოცარი, ვაება მეწყერი წამოსულიყო
მთის ფერდოზე რიონის მარცხენა ნაპირზე,
სადაც უფ. ზამყრელიძე ესახლა. სახლები რომ
დაიძრა და კედლებმა რახარუხი დააწყის, ქა-
ლები და კაცები ჰერანგის სამარა კარში გა-
მოციენილ იყვნენ, მაგრამ ორი მოსახლე-
ების სახლები, საქონელი, ავეჯულება და სხ.
სრულებით დაღწეა მეწყერს და რიონამდის
ჩეტანა, თვით რიონიც დაებუებინა. მთე-
რობას მთელი რაქა გამოეწვია ამ სახლების
ამოსახლერლად, მაგრამ ამო იყო ყოველი...
ხალხი ამბობს, კითომც მეორე დღესაც მიწი-
ლამ ძაღლის ყუფა ისმოდა. ახლაც სჩანს ეს
მეწყერი, რომელსაც დიდი ადგილი უჭირავს
და რომელზედაც ხეები, თვით ბალახიც, ჯერ
კარგად არ ამოიულა. მეორე შემთხვევა: მ-
თი გლენი სამოსამართლოში მოსულიყო და
უჩივოდა თავის მეზობელს ევენახზე და ხე-
ხილზე, რომელიც მეწყერს წაელო ქვეით და
სხვის ზეარში ჩეტანა; ხოლო მეზობელს ეთ-
ქვა: „ჩემი ევენახის მაგიერად, რომელიც სრუ-
ლებით დაფარულიაო, ლმერთმა შენი ზეარი
და ხეხილი მომცაო“. მეწყერი უფრო რიო-
ნის მარცხენა ნაპირზედ იცის და ჩენის აზ-
რით ეს მოხდება ხოლმე წყლისაგან, რომე-
ლიც მიწაში გროვდება, ნელნელ შეუდგება
და გაუჯდება მთის გვერდებს, მერმე თან მო-
აქვს ეს თიხიანი, სუსტი მიწა. ჩვენ ვფიქ-
რობთ უთუოდ აქ შესდგა ანდაზა, რომელიც
ქართულს ენაში ხშირად იხმარება ხოლმე
გაჯერების და დაწყველის დროს „წინ
წყალი, უკან მეწყერი, შუაში მისი თავი“ და
მართლაც კარგათ რომ გავშინჯოთ, დიდი და-
წყველაა. რამდენი მარცხი მომხდარა ამ მე-
წყერისაგან, რადგანაც მიდინარ გზაზე და
უეცრად ჩაეარდები დიდს ტალახში და წყალ-
ში, რომელშიაც ცხენიც ზურგამდის გაიე-
ლის! ამ მეწყერისა გამო ბევრი უბრალო ჯა-
ფა გაუწევიათ ინჟინერებს; მათ ვერ შეუტ-
ყვიათ აქაური მიწის შემოხსენებული თეი-
სება, რომ დაეწყეთ გზის კეთება რიონის
მარცხენა ნაპირზე. მათ გაუკეთებიათ ერთი
მშვენიერი ხიდი რიონზე მაგრამ ცოტა ხანს
უკან მეწყერს სრულებით წაეხდინა გზა, და
მას შემდეგ ისევე რიონის მარჯვენა ნაპირზე
გამოეყვანათ ახალი გზა, რომელზედაც ჯერ
ხიდებიც არ არიან გაკეთებულნი, და რამდენ-
ნი უბედურება მოხდება ხოლმე ამ საშინელი

ჩქარა მიმდინარე წყლებში გასელაზე!.. მთე-
ბის სიახლოვისა და მაღალი მდებარეობისა გა-
მო რაქამ იმერეთის ყველა მახრებზე უფრო
ცივი ზამთარი იცის; ზამთარის ყინვა მთელს
იმერეთში განთქმულია და ამპარლის დამლევეს
როდესაც მე ვსწერ, ჯერ აქ ტყემალი არ
აყვავებულა და ამ დღეებში, 22 რიცხვს კი-
დევაც სთოვლა, მაგიერად აქ არ არის ის ქა-
რი, ქუხილი და მები, როგორც ეაკე-იმერეთ-
ში იცის და ჰაერიც აქ ბევრად უფრო მრთე-
ლია, ვიდრე იქ. ამ მრთელი და გრილი ჰა-
ვისათვის და აგრეთვე სამკურნალო მანქულ
წყლებზე ზაფხულის გასატარებლად ამოდის
აქ ხალხი ზემო და ქვემო იმერეთიდან.

ამ წყლების საზოგადოდ „მჟავე წყალს“ ეძახიან
და უფრო განთქმული წყლები „შუქრამ იცის,
რომელიც მნიდამ 12 ვერტზედ იმყოფება.
(*) რიგიათ აღწერა ამ წყლებისა ჩვენ არ შეგხე-
დრია და ვეჭობთ, რომ კიდევაც სადმე იპო-
ვბოდეს. შუქრაში გამოდის რიონის წყალი, რომე-
ლსაც აგროვებენ ქებში და მერმე ნავეებში ბა-
ნობენ. ამ საბანებელ წყალს „ვერძას“ ეძახიან.
იქვე გამოდის სასმელი მჟავე წყალი, რომელიც
ძალიან შეუშუნაა და დიდი სიცხოვლე აქვს.
სხვათა შორის ის სტამაქს სწმენდს, მალას
მოპგერის კაცს და სასაქმებელი თვისებაც
აქვს; გემოთი ეს მჟავე წყალი ბევრათ ზელო-
ტერის წყალს მიემზგავსება, მაგრამ სიმწარე
ზელოტერის წყლისა არა აქვს. ამას გარდა აქ
არის ერთი ადგილი, რომლიდანაც ოშხივა-
რსავით გავი გამოდის, ხალხი მიდის, ლერ-
წამს (მასრებს) არკობს მიწაში და სუნთქავს
ამ გზას, რომელიც უთუოდ მავნებელი უნდა
იყოს, რადგანაც თუ კაცმა ცოტა ბლომად
ის შესუნთქა, მას თავებრუ ესხმის და გული
ულანდება. ჩენის მიხედვით ეს უთუოდ
ის გავი უნდა იყოს, რომელსაც რუსულად
„углекислый газ“-ს ეძახიან: როდესაც მას
ჩვენ ქალაღით ანუ შემწუმით ცეცხლი მი-
ვადევით, მაშინვე ცეცხლი გავეჭრო. ამ მა-
ვნებელ მოქმედებას გარდა ამ გზაზე ცრუ
მორწმუნებაც გავრცელებულია: „შუქილო
დედა-კაცები მოდიან აქ და ხან დგებიან ფე-
ხზე, ხან სხდებიან ამ გზაზე და მით იმელო-
ვნებენ შვილის შეძენას. ლიმილს ვერ შეი-
კავებთ, რომ ნახოთ, როდესაც აქაური ქა-
ლები მოიყრიან ერთად თავს ამ ადგილზე და
სხედან, თითქო კრუხებს თავიანთი წიწილები
გამოჰყავთ...“

ნიდაგი საზოგადოდ ნაყოფიერია, რადგანაც
აქ კარგად უვლიან ყანებს და ევენახებს. პუ-
რი და ლენო უფრო კარგი ქვემო რაქაში
იცის, ბუგეულის მახლობელ სოფლებში.
ლენო ნაქებია ტოლისა, ხვინჯკარისა და მარ-
თლაც ეს თავ. შიფიანების ლენო ბევრად
მიემზგავსება კარგს კახურს ლენოს. რაც მი-
ეწერება, როგორც ზემოხსენებულთ სოფლე-
ბის ნიდაგს, აგრეთვე ევენახის განსაკუთრე-
ბულ თავ. შიფიანების მოვლას. ხოლო მა-
ღალ ადგილებში ლენო არ მოდის, და იქა-
ურ მცხოვრებლებს უფრო მღაბლ ადგილებ-
ზე რიონის პირად ზერები აქეთ. შესანიშნავია,
რომ ჯერ რაქაში თითქმას ყურძენი არ ავათ-
მყოფობს. კარგი მოსავალი იცის რაქამ, მაგრამ

(*) მაღელი წყლები აგრეთვე გომში და გლო-
ვაში არიან.



მიწის სივრცეში სწორედ შეაწესა ხალხი. აქაურის გლეხების უფროსს ნაწილს ისრე ცოტა მიწა აქვთ, რომ მართა მიწის შემოსავალი ნახევარს წელს თუ ყოფნისთ და გაზაფხულამდის ძლიერ გაკვეცება, მერმე კი მათ სულ ნასყიდის ნამუშავერით უნდა ირჩინონ თავი. ამბობენ ისინი იძულებულნი არიან წავიდნენ სამუშაოდ სხვა და სხვა ადგილებში. მართლში, კახეთში და იმერეთში — ვინ, როგორც კრუები, ისე არიან ხოლმე მუშად, ვინ მეწისქვილედ, ვინ მესხედ, ვინ ხუროდ, ვინ მებაღედ და შრომობენ და ჯაფობენ. ძახეთში რომ იმერული სახლები და ხულები გაუწყვიათ, ისინი სულ ამ რაქველების აშენებულნი არიან. რამდენი დალოცვა და ქება გავგივინა ჩვენ ძახეთში და მართლში იმათ ხელოვნობაზედ, ოსტატობაზე: „ისინი (საზოგადოდ იმერეთის მდაბალი ხალხი) რომ არ იყვნენ, ამბობენ ქართლები და კახელები, ჩვენ რა გვეშველება, ყველაფერი ხელოვნობა ჩვენში იმათგან გამოდის და მათ უჭირავსთ, თითონაც სარგებლობენ და ჩვენც გეასარგებლებენ“. მაგიერად რაქველებიც ხშირად მოჰყვებიან ქართლის და კახეთის ლოცვას და მოგხსენებთ რა მარლიანი დალოცვა იციან რაქველებმა: „მე ღმერთმა ააშენოს, ამბობენ ხოლმე ისინი, და დალოცოს ქალაქი (თულისი) საქართველო (აქ, როგორც იმერეთში, საქართველოს შეცდომით მართა მართლს ეძახიან) ბატონო, ისენი ქვე რომ არ გვეყავდეს ჩვენს ყრუ ქვეყანაში ქვე რა გვეშველება, შენი ჰირომე, ქვე შიმშილიდ დევნობოდით, ისე დეხობა შენი მტერი. ღმერთმა ნუ მოგვიშალოს ჩვენ რაქველებს საქართველო!“. ადგილების სივრცეზე მართლა გასაკვირველია, და ამით აიხმნება ის ვასაოცარი ფასი, რომელიც აქაურ ადგილებს აქვს. პრიან საყანო მიწები, რომელთაც ერთი დღიური იფასება 80 თუმ! ამასვე ვსწერ ერთი მომრიგებელი შუამავლის დარწმუნებისამებრ. საზოგადოდ 25, 30 თუმ. ისე იდება აქაური გამოსადევი ქვევი (თითქმის დღიურია, — 900 კვადრატის საყ ნი). თუმცა ხალხი შეწყუბებულია სივრცეებისაგან და დრტინავს თავის მდგომარეობაზე, მაგრამ სხვა ქვეყნებში გარდასახლებას კი არა ფიქრობს. ძახეთში, წინადალში, შვარცლში და სხვ. სოფლებშია ჩვენ გვინახავს რაქველები იქ დასახლებულნი, მაგრამ სხვა ადგილებში კი არ მიდიან. როდესაც შარშან მმართველობის მინდობილებისამებრ უფ. ხატისოცს რაქველებისათვის აფხაზეთში გარდასახლებაზე წინადადება მიეცა. ამათ პირდაპირი უარი ეთქვათ და დაუფინებელიყენენ შემდგომ, ჩვენში ძალიან გავრცელებულ ანდაზაზე: რაც არ ექნას მამაშენსა, ნუროც შენ დახვე ფარფაშებსა...

რაქის მასრა შეიცავს 51 სოფლის საზოგადოებას, რომელიც 129 სოფლებიდან შედგება და მცხოვრებლების რიცხვი 50 ათასამდე მიაღწევს (*). საზოგადოდ რაქის ძლიერ მშრომელი და მუყათი ხალხი ასხია. აქ მართა მამრობითი სქესი კი არ მუშაობს და მიწას ხნავს და თესავს, არამედ ქალებიც მონაწილეობას იღებენ ყველა შრომაში და შემოდგომის დაწყებამდე, როდესაც მათი ქმრები სამუშაოდ საქართველოში მიდიან, ოჯახი მართა ქალებზე ტრიალებს თვით აღდგომამდე, როდესაც ვაჟკაცები შინ ბლუნდებიან. ჩვენ არა ვფიქრობთ, რომ საქართველოს რომელიმე მასრაში ამ გვარ შრომის მოყვარე და მუშა ხალხი იპოვებოდეს, როგორც აქ, რაქაში. მე უფრო გლეხ-კაცობაზე ვამბობ. თვით მათი აგებულების მოყვანილები იმათ თვისებაებს ცხადათ გვაჩვენებს. ისინი კარგად ჩასმულნი ზომიერის ტანისა, მხარ ბეჭიანი და ძარღვიანები არიან. იმათა ტან-

საცემელი დიდათ არ განსხვავდება იმერლებს ტანისამოსზე, მაგრამ მათ ზურგზე და აქეთ გულა ცხერის, ან ხბოს ტყავის ხალთა, — რომელზედაც ვაკლები (ქვემო იმერლები) რაქველებს დასცინიან (რაქული გულა). მალების ტანისამოსი კი აქ უფრო სხვა ნიჩია: აქ ბაზრის დღეს ქალები ახალუხებით, ჩოხებით, პაჭიკებით, ქალამნებით და ნაბდებით გამოდიან და ყელზე როგორც თათრის ქალებს, სხვა და სხვა შუშების ღიჭილა ჰქვიათ; ვერც ტანსაცმელით და ვერც სილამაზით აქაური ქალები ვერ დაიკვირნან. ბუჩიაში და სამეგრელოში ყოველს ეკვლისაზე კვირა დღეს ნახევ 20, 30 მშენიერი შავ თვალ წარბებიანი, ეშხინათ, კეკლუცურად ჩაცმულ ქალებს და აქ კი ამ გვარებზე უკაცრავათ ვართ. ძალბოტი რომ თვისებაებს აწერდა მე 17 საუკუნეში მეგრელ ქალებს, ის თვისებანი არც ამ ჟამად დაუკარგავთ აქაურ დიაცებს... შილიპე მაკედონელი დაკვირვებით იტყობდა ხოლმე, რომ საბერძნეთის ციხეები ოქროთი დატირთული ვიწრობით აღვილად აიღებო; ის რომ ენლა ცოცხალი იყოს, აქაური სიმაგრეებზედ იტყობდა, რომ ვერც ესენი გაუძლებნო ამ შემადღუნარი კეთილ-შობილის მეტალის სიტროფობას... და ბერძნების ღმერთს, მენერას აქ მრავალი თაყვანის მცემელი ჰყავს, და რასაკვირველია, მსხვერპლებიც მოუთხოვიაო.

(შ. მღვი იქნება).

პოლიტიკა.

სლოვენების მკვირვებნი.

ბელგრადში ამბობენ რომ სერბების მთავარი მიხილ მობრენოვიჩი აპირებს კანონის გამოცემასა, რომლის ძალით ყველა უცხო ქვეყნელს შეეძლება მთელ სერბიის სამთავროში უძრავი მამული მოაპოვონ საუთრებად, გარნა იმ პირობით, რომ ეს უცხო ქვეყნელი უნდა დაემორჩილოს სერბიის მართლმსაჯულებასა და კანონებს.

— სერბიის ს ხალხი ჯარებმა ზოგიერთ მასრებში სამხედრო სწავლა დაიწყეს; ყველა მხედარს ახალი თოფები დაუბრუნეს. მქვს სამხედრო მასრაში დიდ სამხედრო ვარჯიშობას (მანევრებს) აპირებენ. რასაკვირველია, ეს სამხედრო მოძრაობა დიდ ყაყანს ასტებს უცხო ქვეყნელთ გაზეთებში, მაგრამ საყანო აქ სულ არაფერია; ყველამ იცის, რომ ოსმალეთის ჯარი ყოველმხრივ ახვევია სერბიას. სარდარ ჰექმერ, მმარ-ფაშა, ამ ცოტა ხანში მივა რუშუკში და სერბიის საზღვარზე დაყენებულ ოსმალეთის ჯარის მთავარ-მმართველობას მიიღებს. აგრეთვე ყველამ დაქვემდებარებით ვიცით, რომ ოსმალეთი საომრათ ემზადება. ზოგან ახალი სიმაგრეები ააშენა, და ახალი ზარბაზნები დადგა შიგ; აგრეთვე ბოსნიის საზღვარზედ ბევრგან გარნიზონი გაამრავლა — ერთი ოთხად. სერბიის საზღვარზედ გაწყობილი ჯარი, ბაში-ბუზუკები და რედი ფები ყოველ დღე მოდიან; ეს ჯარები ნიშის მიდამო ალაგებში აპირებენ დაბანაკებას. სიმაგრეების აშენება და ოსმალეთის ჯარის მოძრაობა იქაურ ქრისტიან მოსახლეებს ძალიან ბევრ შეწუხებას ათმენინებს, რადგან ზარბაზნებს და ყველა ჯარის ბარჯსა და სარდლას იმათ აზიღინებენ. ოსმალეთის ბანაკის მახლობელ ალაგებში ქრისტიან მოსახლეებს დიდ შევიწროებას აყენებენ ოსმალეთის სალდათები და უმეტესოდ ბაში-ბუზუკები; ესენი ართმევენ ბოლგარებს ყოველის ფერს, რაც კი რამე საქირია იმათთვის და მაგიერის მიცემაზე სრულდებით არა ფიქრობენ. მაგრამ არც ოსმალეთის მოხელეები აყრიან რამე კეთილს ხალხს, როგორც შემდეგი ამბიდგან გაიგებთ. ამ ახლო ხანებში ნიშის ფაშამ ყველა ქმეთები (სოფლის თავები, მამას-

ხლისები) მოიწვია მეჯლიშში (საქალაქო სამსჯავროში) და შემდეგი კითხვა წარუდგინა: „მომავლისთვისაც სულთნის ერდგულობა გსურსთ, თუ სერბიის სამთავროსთან გინდათ შეერთება? როგორცა გსურსთ — გაბედით მითხარით“. ამ გვარი მოულოდნელი კითხვისაგან შეჭრითენ გლეხები და რასაკვირველია რომ შემდეგი პასუხი უნდა მიეცათ: „ჩვენ ხელმწიფეს (სულთანს) ვეკუთვით, გვინდა რომ კვლავაც იმას ვეკუთვინოდეთ; სერბია ჩვენი საქმე არ არის“. ფაშამ ამ მიგებით ისარგებლა და იქვე მეჯლიშში ხელი მოაწერინა იმ ქმეთებს (მამასახლისებს) სულთანის ერდგულობაზედა და ბეჭედიც დასამეინა ზედ.

— ჩერქეზები (გადასახლებულები) ძოსის მინდორზე ძალიან ავიწროებენ მუნებურ მცხოვრებლებს, მართმადიდებლებსაც და კათოლიკებსაც, და რასაც კი მოახლეობენ ყველას სტაცებენ, ასე რომ თითქმის პერანგსაც აღარ არჩენენ საწყლებს. ამ გვარი ძალადობისაგან ხშირი შეტაკება მოხდება ხოლმე მუსულმანებსა და ქრისტიანებს შუა და ორივე მხრით რაკვირველია მოკლულები და დაჭრილები არიან ხოლმე. დიდი ხანი არ არის ერთ სოფელში შეეტაკნენ ერთმანერთს ჩერქეზები და ქრისტიანები და იმ სოფლის მოსახლეთ ჩერქეზები დაიჭირეს და დახრცეს.

— ბელგრადში, პანი ჩიკოვსკის (სადიქ-ფაშის) პოლშელმა ლევიონმა უკმაყოფილება აღმოაჩინა და ძალიან არეულობაშია. მგონებთ, ოსმალეთს რამდენიმე თვეა, რაც ამ თავის „ყაზახებისთვის“ ჯამაგირი აღარ მიუცია; ამისგამომ ლევიონის უფროსებმა ძალა დაატანეს თავიანთ წინამძღვარს, რომ ძალბოტი-ნაპოლიდგან დაქრილი ჯამაგირი მოეთხოვნა. ამ აღრეულობაში ოცი პოლშელი მომკვდარა და ბევრი დაჭრილა. როგორც ამბობენ აღრეულობა სახუმრო არა ყოფილა. ახლა პოლშის ლევიონის შემცირებას აპირებენ და მერე უნდა გაგზავნონ მცირე პაჩიაში, ან, უფრო სწორედ ვთქვათ, ლევიონი უნდა დაშალონ. ხალხები დგანაც იწერებიან, რომ იქაური მოსახლეობა ამდგარა და ჯარს დაუშვებდებია. აგრეთვე სივანის საფაშოშიაც ამდგარან ჩერქეზები იქაურ მთავრობისა და ქრისტიანების წინაიღმდეგ, და ტრაქიონის ჩერქეზებიც ადგომას აპირებნო. ამ გვარი ამბები ძალიან გახშირებულია.

— ბოსნიიდან ყოველ დღე მოდის ბელგრადში სამწუხარო ამბები ოსმალეთისაგან იქაური მცხოვრებლების შეწყუბებაზედ. ბოსნიის ოსმან-ფაშა, როგორც ამბობს ვაზეთი „სევე-კოვილი“, საკვირველად სცარავს იქაურ მოსახლეებს. ისა ჰკრებს კამისისაგან დანიშნულ ხრჯს ღუკატებად (ფულია). იქაურ მცხოვრებლებში ღუკატი 74, და ხშირად 80 გროზად ჯდის; მაგრამ ოსმალეთის ხაზინა თითოს 50 გროზად იღებს, ასე რომ ფაშას, ხაზინადარსა თითო ღუკატზედ 20-გან 30 გროზადის მოგება რჩებათ. ამ გვარად ფაშა, თავის თანამშრომლებით მართა ერთ ხარჯის მოკრებით 10,000 ღუკატს იგებს. ხაზინა კი სულ ქალაქის ფულსა სცემს, ისიც რალაც ნიარს, ხლიმოუწერელს. ამ ქალაქის ფულს „სენეს“ ეძახიან. ეს „სენესი“ (ვისაცა აქვს) უდა წაიღოს ჩარჩ-ურებთან და იმათ გამოაქვებინოს, რადგან ამ ურიებს თითონ ფაშათან აქვსთ აღბ-მიცემა.

ამას უნდა მიუმატოთ ყოველ დღიური ცაცვა და ტაციობა, რომლითაც ოსმალეთს სალდათები და ბაში-ბუზუკები აწიოკებენ ხაზს. ამ ბოროტ-მოქმედებამ მთელი ბოსნიის ხალხის უმადურება აღძრა. ბანიალუკის დიდი ხალხის ყრილობა მოხდა ამის თაობაზე; იმ ყრილობამ შეადგინა პროტესტი (უღმურების ქალაქი), რომელშიაც გამოაცხადა მხარის უბედურა მდგომარეობა და მიათვა ოსმან ფაშას. ამ პროტესტს ხელი მოჰქრეს როგორც ქრისტიანებმა, ისე მუსულ-

მანების ბეგებმა და მამადის ხაჩი-ბეგებმა. ოსმან ფაშამ რომ მიიღო ეს პროტესტი, იმ წამს გაგზავნა ტელეგრაფმა ძონსტანტინეპოლს, რომ „მთელი ბოსნია აღგაო“ და მოითხოვა, რომ გამოგზავნათ იმისთვის 30,000 ჯარის კაცი და 210 ზარბაზანი, „აღრეულობის დასამშვიდებლად“.

— იმავე გაზეთში („სევეტოვილი“) სწერენ: ბანიალუკაზედ ოსმალეთის ჯარის დაცემის გამო ბოსნიის აღრეულობა სახუმრო აღარ არისო. ადები და ბეგები ქრისტიანებთან ერთად მოქმედებენ. რეგულირებული მოძრაობა ოსმალეთში და მპირშიაც ძლიერდება. ბელგრადში ამბავი მოვიდა, ვითომც ბოსნიაში ცდილობდნენ, რომ სერბიის ტახტზედ აიყვანონ ალექსანდრე შარა-ბიორგის ძე, რომელმაც ოსმან ფაშას შემწეობა სთხოვა.

ოსმალეთი.

ვაზეთ Nord-ში სწერენ: „პრიტის (ძანდიის) დროებში მმართველობამ ოსმალეთის ქრისტიანებს მოუწოდა, რომ იმათ აიღონ იარაღი და დაამხონ ოტომანის პორტის (ოსმალეთის) უფლება. ამ მოწოდებამ ძონსტანტინეპოლში ძალიან ცუდი შთაბეჭდილება მოახდინა. იქ ხალხი დაჯერებულია, რომ თუ თესალიელი და ებირელიც აღდგენ — ოსმალეთი სრულდებით დაიღუპებაო. პრიტის აღრეულობა ოსმალეთს 260 მილიონ ფრანკამდის (65 მილიონი მანეთი — ერთი ფრანკი ხუთი შაურია) და 30,000 კაცამდის დაუჯდა. წარჩინებულ გენერალმა: იზმალი-ფაშამ, მუსტაფა-ფაშამ და მმარ-ფაშამ სრულდებით გაიტყვეს სახელი. აღმირალი მესსიმ-ფაშა სრულდებით დამარცხდა, და საუკეთესო სულთნის დიპლომატი, პალი-ფაშა, იძულებული იყო აღვიარებინა, რომ კანდიის დასამშვიდებელი ღონე არა ჰქონდა. მაშ ახლა შეუძლიან ოსმალეთს, რომ ამ გვარ გარემოებაში სხვა ქრისტიანებსაც გაუძღვს ხშირთ? ოსმალეთი მშუდარე თვალდებით შესცქერის დასავლეთს; მაგრამ შრანციას ძნელად შეუძლიან იმის შემწეობა. ეს ყველა სულთნის მინისტრებმა კარგა იციან. შრანციისთვის უფრო უკეთესი იქნება თავი მიანებოს ოსმალეთს, ვიდრე შეერიოს იმის საქმეებში და იმის საქმეებზედ თავის გავლენით მოახდინოს ის, რომ ბერმანიის გავრთებას შეეწიოს. ანგლიასაც მხოლოდ ის უნდა, რომ შეეზღვედ ზარალი არ მისცეს იმის საქმეებს. შეიძლება აესტრიაზედაც ისივე ესთქვათ; დიდი შემწეობა არც იმისგან არის მოსალოდნი. აი ეს ფიქრები აღონებენ ცხლა ოსმალეთის სახელმწიფო პირებს. შეგუფებული ძალა ოსმალეთზე ქვეა-ქუხილსა ჰლამის. იტალიის მმართველობამ „Principe Tomaso“ — გემის თაობაზედ ძალიან გაბედული ნოტა (მიწერილობა) გაუგზავნა ოსმალეთს. ეს გემი რომ ბრინძინდგან ალექსანდრიას მიიღოდა ოსმალეთის გემებიდან ზარბაზნების სროლა დაუწყეს; ეს ჯერ მეორე შეურაცხება მიუყენებიათ ოსმალეთის წყლებში იტალიის იალქნისთვის. პიპრის კუნძულზედ აღრეულობა მოხდა. ოსმალეთის მმართველობა მშალაედა ამას; და როდესაც ეს ამბავი (კიპრის აღრეულობაზედ) ერთ გაზეთში გამოაცხადეს, მაშინ ოსმალეთის მმართველობა ცდილობდა გამეტყუებინა ეს ამბავი. რაც უნდა იყოს კიპრის აღრეულობა საეჭვო არ არის, და ოსმალეთის მთავრობამაც იმის დასამშვიდებლად დიდძალი ჯარი გაგზავნა უკვე არხიველაგის კუნძულთ გენერალ გუბერნატორის წინამძღვრობით.

— ძონსტანტინეპოლისა და თეირის (ოსმალეთისა და სპარსეთის) ერთმანეთში შეხება კეთილ საიმედო აღარ არის. სპარსეთის შაჰი თავის ჯარს საომრად ამზადებს. ამბობენ, ვითომც ის აპირებს მილიციის შედგენას და როდესმე დიდძალი ჯარით უნდა ოსმალეთს დაესხასო. ძათოლიკების პაჩიარჩი დიდი ხანი არ არის მივიდა და მადლობა მოახსენა

(*) შუ. რადღე თავის მოგზაურობაში რაქის მცხოვრებლების რიცხვს 48-ათ. რაცხავს.



სულთანს ქრისტიანებისადმი კეთილ-მადრე-
კიდებისათვის. შეკველია ისეთი ქრისტიანი
ძნელად იპოვება, რომ ამ პირმოთვე მად-
ლობაში რაიმე სიწრფელე ჰპოვოს.

ამერიკა.

ანდრუ ჯონსონი ისევ რესპუბლიკის პრე-
ზიდენტად დარჩება 1869 წლის 4 მარტამდე.
მაშინგტონის სენატის გადაწყვეტილებით ის
გამართლდა; ახლა შეუძლია სთქვას, ვინილვე
პარის პირ უპატიურებლა. მართი ხმა აღ-
და, რომ ის დამნაშავეთ გამოეყენათ. მართი
ამ გვარი ხმა რომ იმის წინააღმდეგ აღმო-
ჩენილ იყო, მაშინ ის სჯულისა მებრ დამნა-
შავეთ შეირაცხებოდა, მოაკლდებოდა თავის
თანამდებობას და საზოგადო თანამდებობას
ველარა ფერს ვეღარ მიიღებდა ჩრდილო ამე-
რიკის რესპუბლიკაში. ესეც ცხადია, საქმის
წარმოების დაწყება უბრალო ფორმით და
დარჩება. ისტორიაში ძნელად იპოვება სხვა
ამ გვარი მიუდგომელი მაგალითი და ამ გვა-
რი დიდი მართლ-მსაჯულება. ესეც მოვიგო-
ნოთ ამასთანავე, რომ პრეზიდენტის მსაჯუ-
ლები პოლიტიკური მოქმედნი არიან და არა
იურისტები და უმეტესი ნაწილი სენატორე-
ბისა ჯონსონის მტრები არიან. ამის გამო,
გასაკვირველია, იმ ხალხის კითხვ-შობილება,
რომელმაც თავის პირადი უკმაყოფილება არ
გამოაჩინა მართლ-მსაჯულების დროს, არც
პრეზიდენტს ჯონსონს ჩაეთვლება გამარ-
ჯება გამარჯვებად და არც იმის მტრებს
დამარცხებად. იმას ნუ ვიტყვი, რომ ერთი
და აკლდა მომეტებული-ობა მესამედ პრეზი-
დენტების ხმას, რომ ის დამნაშავედ შეერაც-
ხათ. ეს გასამართლება განა იმით კი არ არის
შესანიშნავი, რომ არასფრით დაბოლოვდა,
არამედ იმითი, რომ ამისთანა ამბავი მოხდა.
რესპუბლიკის თავი დემოკრატიული სასჯელს და
სჯული ყველაზე მძლავრი გამოჩნდა. პრეზი-
დენტის კანდიდ მოქმედებებს უთხრის: „და-
დევა!“ ის მისცეს საზოგადო სასჯელში და
გასამართლეს. თუმცა ცხადია კონსტიტუ-
ციის დარღვევა ვერ დააბრალეს, მაგრამ სა-
ზოგადო მიუწოდებლობა მისადმი აღმოჩნდა
და ამას აღარ შეეძლება ძველ კვალზე სია-
რული. ჯონსონს ცოტა დრო, დარჩა პრეზი-
დენტობისა, ასე რომ თავის სამხრეთელ მე-
გობრების სასარგებლოთ ვეღარას გააკეთებს.
შემოდგომის ამორჩევაზე პრეზიდენტს არ ექ-
ნება გავლენა, რადგან სჯულის დამცველთა
შეუტყვეს უსინდისობა და დემოკრატებსაც
არ მოეწონათ იმისი სიმხდლე გასამართლე-
ბის დროს. ჯონსონის გამართლება იმის და-
სჯაზე უფრო სასარგებლო შეიქმნა ამერი-
კისთვის. რომ დავსაჯათ, ჯონსონის მეგობ-
რები იტყვიან სამართალმა მადგომით იმო-
ქმედა; და ამის გამო საზოგადო აზრი ამე-
რიკისა ქვეყნის თვალის წინ შეიგინებული
დარჩებოდა.

— ამერიკელი ეპისკოპოსების
თხროვნა პაპისადმი. ამერიკელი ეპის-
კოპოსებს მოუწადინებიათ, თავიანთ ხარჯით
1,000 ეპისკოპოსის გაგზავნა რომს, წმინდა
საბჭოს დასაცვლად. ამბავი ეპისკოპოსებს
თხოვნა გაუგზავნათ პაპსთან. პაპი დიდს
კმაყოფილებით დათანხმებულა ამ თხოვნაზედ,
გარდა იმ პირობით, რომ ამერიკელმა ეპისკო-
პოსებმა ის ჯარი არა თუ მარტო გაგზავნონ
თავიანთ ხარჯით, არამედ შეინახონ კიდევ
Journal des debats ამბობს, რომ ეს შემთხვე-
ვა შეერთებული შტატებისთვის კარგი სახსა-
რია, რომ მშვიდობიანობის შემდეგ უსაქმოდ
დარჩენილი სალდათები თავიდან მოიშორა-
ს.

ამერიკელი ეპისკოპოსების
თხროვნა პაპისადმი. ამერიკელი ეპის-
კოპოსებს მოუწადინებიათ, თავიანთ ხარჯით
1,000 ეპისკოპოსის გაგზავნა რომს, წმინდა
საბჭოს დასაცვლად. ამბავი ეპისკოპოსებს
თხოვნა გაუგზავნათ პაპსთან. პაპი დიდს
კმაყოფილებით დათანხმებულა ამ თხოვნაზედ,
გარდა იმ პირობით, რომ ამერიკელმა ეპისკო-
პოსებმა ის ჯარი არა თუ მარტო გაგზავნონ
თავიანთ ხარჯით, არამედ შეინახონ კიდევ
Journal des debats ამბობს, რომ ეს შემთხვე-
ვა შეერთებული შტატებისთვის კარგი სახსა-
რია, რომ მშვიდობიანობის შემდეგ უსაქმოდ
დარჩენილი სალდათები თავიდან მოიშორა-
ს.

ბელგია.

პეტრბურგში მიღებული.
ათინა, 11 (23) მაისს. საბერძნეთის მმა-
რებლობა დიდ გაჭირებაშია, რადგან ათინას

მისული ძანდის წარმომადგენელი ითხოვენ,
რომ საბერძნეთის მმართველობამ სცნას ისი-
ნი და მიიღოს თავის დებუტატთ პალატაში.
ამაზედ ათინაში მყოფმა ოსმალეთის ელჩმა
გამოუცხადა საბერძნეთის მმართველობას, რომ
თუ კანდიდების თხოვნა დაკმაყოფილდება,
ჩემ პასპორტებს (ბილეთებს) მოვთხოვ იმათა.
ამ შემთხვევაში ყველა ელჩებს, გარდა რუ-
სეთის ელჩისა, ოსმალეთის ელჩის მხარე უჭი-
რავს.

ბოგოვა, 13 (25) მაისს. აქამბავი მოვიდა,
რომ რუსებსა და ბუხარელებს ბრძოლა მოუ-
ხდათ და ამ ბრძოლაში ბუხარელების ემირი
მოკლესო. რუსის ჯარმა ბუხარის სამფლო-
ბელოები დაიპირა.

ბელონი, 16 (28) მაისს. ღვთის „ჯვარის
გაზეთში“ სწერენ, რომ გერმანიის მოხელე-
ები ბეჯითად აღეწებენ თვალყურს პოლშის
სამეფოს საზღვრებს, რადგან პრუსიის საზღვ-
რის გაუარესებზე განდგომილები შეკრებას
აპირობენო. ბინად, როგორცა სწანს, იქმენ-
ბიან: შეივინდი, ბოლდაპი, მარგრაბი და
ლიკი.

პარიში, 16 (28) მაისს. ბუშინ წინა და
იმის წინა დღეს, მულონიანა რომ ლექცია წაი-
კითხა, იმის შემდეგ სტუდენტებმა სენატის
სასახლის წინ მოახდინეს კიდევ არეულობა.
პოლიცია შეერა იმათ დასამშვიდებლად და
ამ შეტაკებაში ერთი სტუდენტი დასჭრეს.

ტფილისში მიღებული.

პეტრბურგში, 30 მაისს. სერბიის მთავარი
მიხეილ მობრეოვიჩი მოჰკლეს; ბელგრად-
ში აღრეულობა.

იმპერატორმა ნაპოლეონმა მიიღო რუსეთის
წინადადება, რომ არც ერთმა მხარემ იმისთანა
ტყუია არ იხმაროს, რომელიც სქდება და
ჯარს მომეტებულად აზარალებს.

პეტრბურგში, 31 მაისს. ბუხარის ქალა-
ქის მცხოვრებლებმა რომ გაიგეს სამარყან-
დის დამორჩილება, გენერალ-ადიუტანტ პაუფ-
მანთან გაგზავნეს მოციქული მორჩილობის
გამოსაცხადებლად. მთავარი მიხეილ მობრე-
ოვიჩთან იმის ბიძის ასულიც მოჰკლეს; დაჭ-
რილია იმის ქალი და ორი სხვა კაცი. მართი
მკვლელობაგანი დატუსაღებულია.

სერბიის მთავარი, 29 მაისს რომ ბელგრად-
დის ბაღში დასეირნობდა, მაშინ დაცა იმას
სამი კაცი და ერთმა მათგანმა რევოლვერით
მოკლა.

ზოგერთი შესანიშნავი მოთხ-
რობა საქართველოს მეფე ბიო-
რგი მეთორმეტე უ. ბერძენოვი-
საგან გამოკრეფილი იმ ისტორი-
იდგან, რომელიცა დაუწერია
პლატონ იოსელიანს.

I
მეფის ირაკლის II პირმშო შვილი ბიო-
რგი დაიბადა გიორგობას 1746 წ. 10 ნოე-
მბერს, ტფილისში. ღვდა მისი იყო ასული
ზაალ აბაშიძისა. ეს იყო მეფის მეორე ცო-
ლი რომელზედაც 1745 წელს ჯვარი დაიწე-
რა და პირველი ცოლი ანა მახტანგ შაფლა-
ნის შვილის ასული გააგლა. ანას ხელში
ირაკლის ჰყავდა შვილი ბიორგი და ასული
თამარ.

III
მეფის წული რომ ოთხის წლისა გახდა, იმს
მიუჩინეს ძახეთის თავადი სვიმონ მაყაშვილი
და მართლის თავადი რომბ ბარათაშვილი.
რადგან ბარათაშვილი მალე გადაიცივლა, მე-
ფისწულთან მარტო მაყაშვილი დარჩა. მარ-
თული წერა-კითხვა მეფის წულს ისააკმა ას-
წავლა. როგორც ამბობენ, ხუცურის წიგნ-
ბის წერაში ძალიან დახელოვნებული და სწა-
ველული იყო; ამასთანავე ძველი დროების
ფილოსოფიაც ძლი-ნ კარგათ იცოდა; თათ-

რული ენა ბიორგიმ კარის კაცებასგან ისწა-
ლა, სამხურს კი ტერადვიდოვი, შაიკოვი
და შაითმაზოვი ასწავლიდნენო. მისიკოპოსი
თეოდორე ბერძენი (ელლინურს) ბერძნულს
ასწავლიდა—მართლის ენის მასწავლებლათ
იოანე მოძღვრის შვილი დანიშნესო. ეს
იყოვე დიდი მწიგნობარი და იმ დროის
ფილოსოფიის მცოდნეო.

IV

მეფის წულს წმინდა მამების ცხოვრების
კითხვა სიყრმიდგანე უყვარდა. ზვირად
იცოდა ცხოვრება სახელ განთმულთა მოწა-
მეთა. ღვთის მტყველებში ძალიან გასწავლე-
ლი იყო. მართლის ცხოვრებათითქმის გაზვიარე-
ბული ჰქონდა. იმას უყვარდა მშვიდობიანი ცხო-
ვრება, იყო ზრდილობიანი, მართალი, ფრთხი-
ლი მოლაპარაკე, მეტათ უხვი, კარგი მიმღები
ქერიეთა და ობოლთა, მოწყალე და პურმარი-
ლიანი. ამასთანავე სძაგდა ყოველ გვარი
სიბინძურე, როგორც ქრისტეს მოყვარე და
მეუღაბნოე, ისე იცავდა სულის უმანკობას,
განსაკუთრებით ეწყობოდა ბერძენი, რომ-
ელიც იყენ თათრებისგან დამონებული;
ცისკარს, წირვას და საღამოს ლოცვას არ და-
აკლდებოდა. სუფრაზე ულოცავათ არ დაჯდ-
ბოდა.

V

ბიორგი რვა წლისა იყო, როცა ჩვეულები-
სამებრ ჩერქეზეთის მთავრი ბირეი-მძის ქალ-
ზე დაინიშნა. მეფის სასძლოს გასაზრდელათ
გაგზავნეს თ. სარიდან შალიკაშვილი, ექსი
მოახლე და ჭელიძის ქერიე ნინო, ძვეთი-
ხვეელი; ეს ქალი იყო მწიგნობარი, და ენა
გონებით საესე. თითონ მეფე ბიორგი იტყუ-
და ხოლმე, ის იყოკო მარდი ცენოსანი და
მამაცობისთვის მეფის კარზე ძალიან პატიე-
ცემული იყოვეო. მეფის სასძლო ყვაილით
მიიცივლა თავის დედამამის სახლში. როცა
ნინო მობრუნდა იქიდან, მსოველის საყ-
დარში სოფელს რუისს მონაშნათ შედგა და
მალე გადაიცივლა.

ბიორგი რომ თოთხმეტის წლისა გახდა,
ძახეთი, შშავ-ხეცურეთი, თუშეთი, მართლი
და სომხეთი მოიშრა, ნახა მაშინდელი სამხის
ეკლესიის თავი კათოლიკოსი იაკობ V, აგრე-
თვე ეწვია ბანჯისა და პრეენის ხანებს, რომ-
ელიც იმდროს საქართველოს მოხარკენი
იყენენ.—

VI

1767 წ. მეფის წულმა ბიორგიმ შეირთო
ცოლათ ქიზიყელი თავადი პაპუნა ანდრონი-
კაშვილის ქალი, მორწილი დიდის ამბით გადა-
ინადეს 20 სექტემბრს ქალაქს ტფილისს. ამ
ქორწილზედ აი რას მოგვიხმობენ. რომ-
დესაც ბიორგი ძახეთისკენ მგზავრობდა,
ის ეწვია რევაზ ანდრონიკაშვილს სოფელს
მეჯინს. იმ დროს ალაზნის გაღმა მხარეს ლეკები
დაეცნენ. იმათ გამოუდგნენ კახელები და
ომში ისეთი სიმამაცე გამოიჩინა რევაზ ანდრო-
ნიკაშვილმა, რომ მეფის წულს უყვირდა.
როცა შინ მოვიდნენ, რევაზმა მხოლოდ მა-
შინ გაამხილა თავისი მიმე ქრილობა მუხლ-
ში. მეფის წულმა იქვე გამოუცხადა გულადს
გმირს, რომ შენი და შეთევან უნდა შეეერთო
ცოლათაო. ძალის მამა აღარ იყო ცოცხალი.
მართი ბერო პავლიაშვილი იყოვე, ამბობს
იოსელიანი, და ის ხშირად იტყოდა ხოლმე
ამ ამბავს. ეს პავლიაშვილი გადაიცივლა ას
შვიდი წლისა 1845 წელს ქ. ტფილისს.

VII

თერამეტის წლისა იყო, როცა ბიორგიმ
დაიწყო მამასთან სიარული, თუ ომში, თუ
საზღვრების დასაველლათ; 1770 წელს დაე-
სწრო ასპინძის ბრძოლაში, სადაც ძალიან
ამაყათ მოექცა გენერალ ტოტლემენსა, რომ-
ელიმაც არ მოახმარა რუსის ჯარი მეფესა და
ირაკლი მარტო თავის ჯარით უნდა შეებო-
და ოსმალებსა და გამარჯვენა;—მეფის წულმა

გაჯაერებით უთხრა—„შენერალო, შენვე-
დრება მეფის ლალატი.“—მე იმპერატორისაგან
არა მაქვს ნაბრძანები, რომ ასე პატარა ჯა-
რით დიდ-ძალს მტერს შევება და უბრალოთ
ვიზარალოო“, იმან მიუგო.—„შენერალო, მაგით
თქვენ რუსის ჯარს არცვენთ და დიდს რუ-
სეთის ღირსებას ამდაბლებთ, ღმერთი ჩვენს-
კენ იქნება; მტერს მარტონიც შევებით,
გაიშარჯვებთ და შენს სიმუხთლეს კი იმპერა-
ტორისა მოვახსენებთ“. როდესაც ირაკლის
ეს ამბავი მოახსენეს, არ იამა მეფის წულს
გულუცივებლობა, რომელიც იყო დარბაისლო-
ბის წინააღმდეგი; სამხედრო საქმეში ის უფრო
გამოცდილი იყო და რუსეთის წყენას ერიდ-
ბოდა, რადგან მომავალში დიდი იმედი ჰქო-
ნდა იმისი.

ბიორგის მტრები ამბობენ, ვითომც იმას
მამისთვის არ მიეწველებინოს თავისი ჯარი
ცხრა ასი კაცით. რა საბუთით ამტკიცებენ
ამას, კაცმა არ იცის; ასპინძის ბრძოლის ჟამს
ირაკლის ოჯახში ჯერ კიდევ არ იყო განხე-
თქილება. ბიორგის ღვთი-ნაცელიდან ძმები
ჯერ კიდევ არ დავაჟკაცებულნიყენ და მე-
ფის ოჯახში სიყვარული არ იყო მოშლილი.

მეორეს დღეს ტოტლემენი ბაღდადის გზას
ადგა და მიდიოდა იმერეთისკენ როდესაც
შეიტყო ირაკლის დიდებული გამარჯვება.
მეფის წული სთხოვდა მამას, რუსეთს გამგზა-
ვენო, რომ დიდს იმპერატორის მოვახსენო
საქართველოს სამეფოს მდგომარეობაო, მაგ-
რამ მეფე არ დაეთანხმა, და ელჩობა სხვებს
მიანდო.

VIII

მეფის ბიორგის ცოლი მეთევანი იყო ის
უშიშარი ქალი, რომელიც მოდიოდა მართ-
ლისკენ და თან სამასი ცენოსანი მოსდევდა.
ლარტის-კარში იმათ შეხვდათ ხუთასი ლეკი.
თითონ მეთევანმა უწინამძღვრა თავის ხლე-
ბულებს; სამს ალაგას მოიშარგეს ყეხი ლეკე-
ბმა, მაგრამ მეთევანმა საზღვრე დაამარცხა ისი-
ნი თავის ჯარითა. მართს თვეს შემდეგ, რომ-
დესაც მუხრანდგან ტფილისს მობრუნდა
ირაკლი, დიდის ამბით დახვდა თავის მამაც
რძალს. ჩირაღდანი და ზარბაზნის სროლა იყო.
ეს იყო 1778 წელსა. ირაკლი ძალიან ნაღე-
ლობდა თავის რძლის სიკვდილს. მართხელ
მწუხარებით შეპყრობილმა წარმოსთქვა: ჩემი
ოჯახი ახლა დაიღუპაო.—ბიორგი მეფის
შვილი თეიმურაზი მეტყუადაო, ამბობს იოსე-
ლიანი: ღვდა ჩემმა სიკვდილის ჟამს მითხრაო
რომ ჩემი ეცხლეულობა იერუსალიმის პატრი-
არხს გაუგზავნეთ სულის სახსენებლათაო...
სასოგბა ჰქონდათ ქართველებს იერუსალიმზე!
ღმრთის ქალაქიდან გადმოსული სხივი ნათ-
ლისა განაბრწყინებდა მეფის ტახტსაც და
გლეხის ქახსაც. იერუსალიმის სახელი დიდი
ნუგეში იყო საქართველოს ხალხისთვის...

ოსმალეთის მმართველობის საქმისტიანო მმუხმების ამბავი.

ჩეროგორის უკანასკნელი რეფორმები (ცელიე-
ბანი).—შემოიღო ჩეროგორიაშია და ბერტოგოგინა-
ში.—ბერტოგოგინაში ოსმალეთის მოხელეების კაც-
მოყარობა. ღღმაციელი პატრის ლაპარაკი სლოვენე-
ბის ხალხის შეერთებაზედ.

ამ უკანასკნელ დროში რომ სახელმწიფო
წყობილების ცვლილება მოდხა ჩეროგორია-
ში, აქამდის სულ ისა აქესთ საღაპარაკოდ.
ეს ახალი ცვლილება ჩეროგორიის სახელმწი-
ფო წყობილების ორ საგანს შეეხება: შინა
მმართველობას და სახელმწიფო ხაზინას. აქა-
მდის მთავარი იყო ხაზინის სრული ბატო-
ნი და ფულის შესახებ განკარგულება მხო-
ლოდ იმას ეკუთვნოდა. ამას გარდა ყველა
სხვა უფლებაც იმას ეჭირა ხელში, ესე იგი
ის იყო უზენაესი მმართველიც, მსაჯულიც,
სასულიერო მმართველობის ხელმძღვანელიც,

ყველა თვის სამთავროს სასწავლებლებს მეთვალყურეც და სხვ. მართს სიტყვით ის იყო თავის ქვეყნის სრული და უკომპრომიზო რელი მეთვლე. ახლა კი, ახალი წყობილების ძალით ფულის საქმე მთავროსაგან სენატის ხელში გადავიდა. მთავარმა სახელმწიფო ხაზინა სენატს ჩააბარა და ამასთანავე წარუდგინა ანგარიში, თუ აქამდის, რაც იმის ხელში იყო, როგორ გამგებლობდა სახელმწიფო ფულს. ამასთან რაც აქამდის ქონება ეკუთვნოდა მთავარს სამ ნაწილად გაიყო: 1) სახელმწიფო, 2) საეკლესიო და 3) სამთავრო ნაწილად. სახელმწიფო ქონება მიანდეს სენატის უწყებას, რომელმაც თავისგან სამი კაცის კამისია შეადგინა და სახელმწიფო ხაზინაც და ქონებაც იმის გამგებლობას ჩააბარა. ეს კამისია შესდგა: მთავროსაგან, ხაზინადრისაგან და მდივნისაგან. ამ კამისიის თავმჯდომარედ მთავრის ძმის წული დანიშნეს— ბოჟო პეტროვიჩი.

საეკლესიო ქონება ჩერნოგორიის ეპისკოპოსის გამგებლობას ჩააბარეს; აგრეთვე სამთავროს ყველა სასწავლებლების შედამხდელია იმას მიანდეს.

სამოსამართლო უფლებაც სენატს გადაეცა, სენატის ხელში აგრეთვე სამთავროს შინამართებლობაც უნდა იყოს, გარნა უზენაესი უფლება კი მთავრს უნდა ეკუთვნოდეს. ამის გამო სენატი კომიტეტებად გაიყო; ეს კომიტეტები შემდეგნი არიან: სამხედრო საქმეთა, ადმინისტრაციული (სახელმწიფო სამმართველო), ს. ფინანსო (ფულისა) და სამოსამართლო. მთავარმა რა აყარა დამოუკიდებელი, თავის ნებთი უფლება, სთხოვა სენატს, რომ დაენიშნა იმისთვის, იმის სახლობისთვისა და სასახლისთვის საცხოვრებელი ჯამაგირი. სენატმა დაუნიშნა 10,000 აესტრის ოქრო, მაგრამ მთავარმა იბეჭრა და ითხოვა რომ შეემცირებინათ; ბოლოს მრავალი თხოვნის შემდეგ 6,000 ოქრო აიღო წელიწადში, თორემ ამაზედაც ნაკლები უნდა იქნებოდა. ეს ექვსი ათასი ოქრო ჩვენ ფულად 17,000 მანეთი იქნება, 1700 თუმანი.

ამ გვარად მთავარმა, სრულებით მოულოდნელად, ახალი ცვლილება შემოიღო თავის სამთავროში. ამ მთავრის განკარგულებამ სასახლურლო შთაბეჭდილება მოახდინა სლოვენებში. შევლამ სასახლურლოდ მიიღო ეს სასიქადლო ბიჯი, — ის ბიჯი, რომელმაც ჩერნოგორიის მმართველობა სახალხო განათლებისა და წარმატებისაკენ მიმართა; მაგრამ ეს კი იყო რომ ყველა გაცდა და არ იცოდა, თუ რომელი მიზეზებისთვის დაებრალენა მთავრის ბედნიერი ნაფიქარი. რასაკვირველია, მრავალი მრავალ ნაირ მიზეზს აბრალებენ. ზოგი მთავრის ამირ-სასალარს მუკოტის აბრალებდა ამ ცვლილებას, ზოგი სერბიის ელჩს რისტიანს და ზოგი კიდევ სხვას; სწებთ კი ამას ფიქრობენ, რომ შემოუსაზღვრელი უფლების აყარვად მთავარი ნიკოლოზი ჩერნოგორიის შიმშილმა და სისაწყლემ აიძულაო. რადგან მშვიტი ჩერნოგორიელი წამდაუწყებელი მიდიოდნენ მთავართან, როგორც სახელმწიფო ხაზინადართან, და პურსა და ფულსა სთხოვდნენ, ამის გამო, რომ თავი დაეხრებოდა იმათი მოუწყვეტელი თხოვნისაგან, მთავარმა სახელმწიფო ხაზინა თავიდან მოიშორა, და სენატს გადასცაო. მაგრამ მომეტებულნი სერბიის მმართველობის ჩივიას აბრალებენ ამ ცვლილებას, და ჩერნოგორიის ხალხიც ამ აზრისა არის; ამის გამო დიდი აღტაცებით არის მადლობელი იმისი, რომ მათ კეთილ დღეობასა ცდილობს... რა მიზეზისაგანაც უნდა იყოს ჩერნოგორიის სახელმწიფო წყობილების ახლანდელი ცვლილება, მაინც დიდს პატივსა სდებს ჩერნოგორიის მთავარს, მით უფრო დიდ პატივს, რომ ამით იმან თავისი უფლება შემოისა-

ზღვრა, და თავის ნებად აღარ განაგებს მთელი სამთავროს ბედსა და უბედურებასა. როგორც ზევითა ვსთქვით ამ ცვლილებამ ხალხი განათლებისა და წარმატებისაკენ მიმართა. ზევითა ვსთქვით ჩერნოგორიისა და ბერცოგოვიის სიმშვილედ. მართლა რომ გასაცარი სიმშვილია ამ სამთავროებში. თუ კაცმა თავის თვლით არა ნახა, ვერ შეუძლიან წარმოიდგინოს იქაური მცხოვრებლების უბედურება და სიღატაკე. სიმშვილისაგან ხალხი სწორედ რომ იმუხრება. ჩერნოგორიაში კიდევ სხვის მოწყალეების იმედი აქვსთ, მაგრამ რა ქნან საწყალმა ბერცოგოვიის მცხოვრებლებმა; რომელთაც ოსმალეთის მთავრობა სხვისგან მოწყალეების მიღებას უშლის. მართლა, რომ კაცმა თუ თავის თვლით არა ნახა, იმ უბედურების წარმოდგენა არ შეიძლება, რასაც ახლა ქრისტიანი მოსახლენი ითმენენ ოსმალეთის მთავრობისაგან. შემდეგი ნამდვილი ამბავი შეგატყობინებთ, თუ რა უბედურ მდგომარეობაში არიან ოსმალეთის ქვეშევრდომი ქრისტიანები.

ბრისტოში მკაცრად ბერცოგოვიელმა ვაჭრებმა რომ შეიტყეს თავიანთ ქვეყნის სიმშვილი, მოაგროვეს ერთმანეთში პური, დაუდეს გემებზე და გაგზავნეს ბერცოგოვიას, რომ იქ ყველა ძალიან გაჭირებულისათვის (ესე იგი ქრისტიანებისათვისაც და მაჰმადიანებისათვისაც) დაეროგებინა და უფასოდ. ამ პურის დარიგება მიანდეს ორ ძმას ბოშკოვიჩებს, (რომელნიც ძალიან მდიდრები არიან და ხალხის გაჭირებისთვისაც თავ გადადებულნი). საქმე ჩინებულად დაიწყო. ბოშკოვიჩებმა ყველაფერი ისე მოაგვარეს, როგორც სამჯობინო იყო და ამისთვის იმათ არც ცდა და არც ფული დაუშურებიათ; ამასთან ისე ურიგებდნენ პურს, რომ არც შთამომავლობას პურს გამოართმევს, იმას სახელმწიფო მოალაქტედ ჩავთვლიო. აქ ისიც უნდა ვსთქვათ, რომ ყველაზე უფრო ბრძენის მავრა არის დამწყული. აბა ახლა როგორ მოგწონთ სულთანის მამობრივი მზრუნველობა და იმის მოხვედრის ქცევა უბედურ ქრისტიანებისადმი?... ამ ამბის შემდეგ, რასაკვირველია, რომ დასავლეთის სახელმწიფოებმა უნდა იამაყონ და თავი მოიწონონ, რომ სულთანის მმართველობა ახირებულად აბიჯებს დასავლეთ ევროპის განათლებისაკენ და სულ წარმატებაშია!

ამას გარდა სხვა საქმეშიაც სჩანს ოსმალეთის მმართველობის წინ წასვლაში წარმატება. რადამაც აფიქრებინა სულთანს ბერცოგოვიის სახლარზედ სიმარგების აშენება და სამხედრო გზების გაყვანა. რასაც სულთანს იფიქრებს, ის, რაღა ჩიხინი უნდა, რომ უნდა აღსრულდეს. ამ ფიქრის აღსრულებისთვის ოსმალეთს მუშა ხალხი დასჭირდა. მაგრამ ამისთანა საქმეზედ ოსმალეთის მმართველობა ბევრს აღარ ფიქრობს ხოლმე ან კი რაღა ფიქრი უნდა? რაიები იქ არა ჰყავს. (ოსმალეთის მმართველობა რა იებს ეძახის ყველა თავის ქვეშევრდომს, ვინც კი მაჰმადიანი არ არის). მაინც ეს რაიები არიან იმის ხარკმეჩი, და მუშათ ხომ-რა უშავსთ, ახლა სიმარგებისა და გზების საკეთებლად გაირიყეს საწყალი ქრისტიანები და იმათში ორიოდ მაჰმადიანიც გაურჩეს, უფრო საჩვენებლად, ვიდრე საქმისთვის რასაკვირველია. ამ უბედურ ქრისტიანებს არა ჰკითხეს: აქვსთ თუ არა

იმათა და იმათ ცოლ-შვილს საზრდო, რომ რჩენა შეეძლოსთ. ოსმალეთი თავის მუშას საზრდოს არაოდეს არ აძლევს. მმართველობამ ამ მუშებს დღეში თითო თითო პიასტრი (შაური და ორი გროში) დააპირდა დღიურ ფასად, მაგრამ ამბობენ იმასაც არ აძლევსო. ნამდვილი წყაროებიდან გვარწმუნებენ, რომ მომეტებული ნაწილი ამ მუშებისა ისე შეწყობულნი და დამწყულნი არიან, რომ თვით ძაღლებსაც შურით უყურებენო, როდესაც იმათ პატრონი თავის წასუფრალს უყრისო! ეს ყოველი ფერი მეროპაში ხდება, რომელიც ყველას არწმუნებს, რომ რაკი ოსმალეთი ევროპის სახელმწიფოდ შეიარაცა, მას აქვთ განათლებაშია და და კაცთ მოყვარეობითს მზრუნველობაში, არც ერთ წარჩინებულ სახელმწიფოს არ დაუყარებია! მსეც განათლება და კაცთმოყვარეობითი მზრუნველობა! —

ოსმალეთის ქვეშევრდომ ქრისტიანებს ერთმანეთში უთანხმოება აქვსთ, რადგან ზოგი მათგანი კათოლიკია, ზოგი მართლმადიდებელი. ამ უთანხმოების გამო იმათ ვერაფერი საქმე ვერ მოუგვარებიათ საერთოდ; ამ გაცალკე-ცალკეებისაგან და ერთმანეთის მტრობისაგან ოსმალეთი უფრო დაურიდებლათ იქცევა იმათ შესახებ. ზოგი ერთებმა იგრძნეს ამ უთანხმოების შედეგი, მაგრამ ზოგიერთმა, და არა ყველამ. მათ დაღმაცეულ პატრს ჩინებული აზრი უთქვამს ამ სარწმუნოებისაგან გაცალკე-ცალკეებაზე. „სარწმუნოებას რა ხელი აქვს ხალხის შეერთებასთან. ჯერ პირველად ჩვენ უნდა ვცვალოთ რომ სახალხო დამოუკიდებლობა მოვიპოვოთ; ამ მიზანდღის კი მაშინ მივახწევთ, როდესაც ყველა სლოვენები, სარწმუნოების გაურჩევლად, მხურად შევერთდებით ერთად. სარწმუნოებაში არ უნდა დაგვიშალოს ჩვენ ხალხობრივის შეერთება და ან კი როგორ შეუძლიან დაგვიშალოს.“ თუ ყველა სლოვენები ამ აზრისანი შეიქმნებიან, მაშინ უფრო მოსალოდნი იქნება, რომ ოსმალეთის ქვეშევრდომი ქრისტიანები, თავიანთ მმართველობისაგან ცოტათი დაიხარებინან; და თუ არა შინაური უთანხმოებისაგან გამოვლელ ძალას ოსმალეთის მმართველობა სრულებით გამოუღვეს, როგორც გვაჩვენებს იმის ეხლანდელი ქცევა ქრისტიანების შესახებ.

სხვა და სხვა ამბავი.

რეინის პირზე ერთი სამთავროა მეტად პატარა, რომელსაც ეძახიან ლისტენ-შტეინის სამთავროს. წინათ რომ ბერმანის კავშირი არსებობდა, იმდროს ლისტენ-შტეინის თავადს ოთხმოცი კაცი ჯარი უნდა ჰყოლოდა, თუმცა იმისი რჩენა ძალიან უჭირდა იმის სახელმწიფო ხაზინას. ამ ჟამად იმან დაითხოვა თავისი ჯარი და მთელს მეროპას უჩვენა პირველი მაგალითი ჯარების დათხოვნისა.

არაკი იმპერატორიცა ჟოზეფი-ნაფ. შ. მოსონილმა დაწერილებით აღწერა შრანციის პირვანდელი იმპერიის ბრძოლა მკლესისათან. ნაპოლეონის გაყრა თავის პირველ მიუღწეულთან ჰოზეფინასთან შესანიშნავი რამ მოთხრობა არისო გოსონელოს თხზულებაში: „მართლ ნაპოლეონი და ჰოზეფინა მართლანი ისხდნენ სადილათ, როცა ნაპოლეონმა განუცხადა გაყრა თავის მიუღწეულსა. იმპერატორის ცნობა მიეღო, დაეპირდა და აღარ მობრუნდა. ნაპოლეონს შეეშინდა და გაეარდა თავის კაბინეთში კამერერის“ უ. მოსეს დასაძახებლათ. ჰოზეფინა კიდევ უგრძობლათ ეგდო. იმპერატორს არ ჰსურდა, რომ სასახლეში შეეტყუათ ეს ამბავი და სთხოვა მოსეს რომ იმპერატორიცა აეღო და საიდუმლო კიბით ჰოზეფინას ოთახებში

წაეყვანა. რასაკვირველია, კამერერე მხეთი იყო ემსახურა. იმან აყვანა იმპერატორის ცნობა მიხედვად იმპერატორიცა, რომელსაც ფეხებზე ხელი ეკიდა და ისე მიდიდა კიბებზე. ზოსე როგორ მოიფიქრებდა, რომ ჰოზეფინა მოგონებით იყო ცნობა მიხილიო. რადაც საუბედუროთ ის შეჩერდა, უნდადა ხმლის გასწორება, რომელიც უშლიდა სიან-რულსა. ამ გასწორების დროს იმან უფრო მაგრათ შემოაჩხია ხელი იმპერატორისა, რომ ძვირფასი ტერითი ხელიდან არ გაეარდოდა; უნდა წარმოიდგინოთ, როგორ განცვიფრდა კამერერე, როდესაც ჰოზეფინამ უჩურჩულა: თუ ღმერთი გწამთ ვერე მძლავრათ ხელს ნუ მიჭერთო“.

სახაზინო განცხადება.

სამაზრო ინტენციების სამმართველო ძაქვასის სამხედრო სამაზრო რჩევის გადაწყვეტილებისამებრ აცხადებს, რომელსაცა მსურს აიღოს იჯარით ვალაქის აშენება ბოზნის ლაზარეთის გარეშე 3734 მანეთად და 46 1/2 კაეკად. მკრობა ზეპირად იქნება და მოხდება ბოზნის პრისუსტიაში, იქაური ლაზარეთის კანტარაში. დასწრება შეუძლიან მხოლოდ იმათ, ვინც დაბეჭდილ განცხადებებს წარადგენენ 1868 წელს 17 ივნისს.

ამ იჯარის დაწერილებითი პირობების შეტყობა, აგრეთვე დამტკიცებელი პლანის ნახვა, ბოზნის სამხედრო კანტარაში შეიძლება ყოველ დღე, 9 საათამდე 2 საათამდის უქმე დღეების ყოველად. იმ პირობით, რომელთაც უნდათ ზეპირათ ვაჭრობაში დასწრება, უწინვე, ან ერთი დღის წინა დღე ვაჭრობა მოხდებოდეს, უნდა წარადგინონ ბოზნის ლაზარეთის კანტარაში კუთვნილი მოწოდებითი თავის ვაჭრებსა და გეტრობი რომ დრო მჭიდვით წინა დღე ვაჭრდნენ. დაბეჭდილი განცხადებები უნდა მოიტანონ ან გამოგზავნონ 12 საათამდის; ამას შემდეგ კი აღარ მიიღებენ. ის განცხადებები უნდა იყვნენ დაწერილნი, 1909 მუხლში, 1 ნაწ. X ტომ. სამოქ. იმ ფორმით, რომელიც მიმტებულთა სჯულის კრებაში (გამ. 1857). ფასი შედეგ უნდა იყოს წარწერილი; იმასთან უნდა იყვნენ: წარადგინონ 1, მოწოდება თუ რომელ წოდებას ეკუთვნის იჯარადარი და 2 სრული გირაოები.

თუ განცხადება იმ ფორმით არ არის დაწერილი, როგორც აქ არის მოსხენებული, არ მიიღებენ. რომელიც ვაჭრობაში დასწრებას, ან რომელთაც თავის მგერი კაცები გამოგზავნიანთ, იმათგან წარადგენილს დაბეჭდილ განცხადებებს არ მიიღებენ.

— ძაქვასის დივიზიის შტაბი აცხადებს, რომ ამ შტაბში დანიშნული ვაჭრობა ქართველების ქვეითი ჯარის ტანისამოსის შეკრების იჯარით აღებაზე, რომელიც ამ წელში იქა დანიშნული, რამდენსავე ხანს გადამდება. ამ ვაჭრობაზე საკუთარი განცხადება დაბეჭდება.

— შალაკავაზის საქალაქო სამმართველოში 1868 წლის 2 ივლისს მოხდება ვაჭრობა ზეპირად და დაბეჭდილი განცხადებებით, მესამე დღეს ვაჭრობის განმეორებით ამავე 1868 წლის 15 აგვისტოსთვის და 1 ნაწ. ოქტომბრისთვის თვის მოსამზადებლათა და მისთანად შემდეგ ვახსის პოსტებში (სადომინიბში):

შალაკავაზისა	—	—	11,340	ფლოთი.
რედანთისა	—	—	1,350	—
ბალტისა	—	—	1,500	—
ჭეზაბოვისა	—	—	1,800	—
ლარისა	—	—	1,500	—
დარიალისა	—	—	1,800	—

ამ იჯარის ასაღებად წარადგენილი გირაო ნახევარ იჯარის ფასათ უნდა ეტრებოდეს.

დაბეჭდილი განცხადებები მიიღება ვაჭრობისა და ვაჭრების განმეორებით დღეს დილის 11 საათამდის. ამ ვაჭრობაზე დაბეჭდილი განცხადებების მიღება არ შეიძლება.

მისაც ვაჭრობა მსურსთ განცხადებებსან ერთად უნდა წარადგინონ წოდებისა და ვაჭრობის სიმართლის მქონებლობის ქალაქი. ახლაურებისთვის ვაჭრობის სიმართლის მოწოდება არ არის საჭირო, გარნა წოდების ქალაქი კი მოეკითხებათ.

მისაც ზეპირათა მსურსთ ვაჭრობა, იმათ გასწილად განცხადებები უნდა წარადგინონ იმაზედ, რომ ვაჭრობა მსურსთ, ამასთანავე უნდა დაურთონ გირაო და წოდებისა და ვაჭრობის სიმართლის მოწოდება.

განცხადებები 70 კაეკიან დღეების ქალაქებზე უნდა იყოს დაწერილი და იმ რიგით, რა რიგით ნაჩვენებია სამოქალაქო კანონ-ქრების მე-10-ე ტომში 1909 მუხლში.

მისაც განცხადებობა მსურსთ იჯარის აღება, იმათიანთ განცხადებებში მკაფიოდ უნდა სთქვან ერთი კისრულად იჯარას, თუ ნაწილობით და ამასთან ისიც თუ რომელი რამოდენ ნაწილს იღებს თავიზედ.